

Refòm Spesyal nan Polis Boston: Rekòmandasyon bay Majistra a

Entwodiksyon

“Kòm yon ofisye lalwa devwa fondamantal mwen kòm yon ofisye kap ranfòse lalwa se poum sèvi kominote a; pwoteje lavi ak pwopriyete; pwoteje inosan kont desepsyon, fèb yo kont opresyon oswa entimidasyon e la pè kont vyolans ou dezòd, e respekte dwa konstitisyonèl tout moun ak libète yo, egalite, e jistis.”¹

Nan 12 Jen, 2020, Majistra Martin Walsh te siyen yon pwomès Mjistra a ki te pibliye pa Fondasyon Obama a “My Brother’s Keeper Alliance.” Sa ki fè pati de pwomès sa a se pou-n kapab chanje angajman yo an aksyon. Majistra a konvoke Gwoup Refòm Polis nan Boston (Task Force) yon gwoup ki konpoze de 11 manm dirijan ki nan kominote a, defansè, manm pwofesyonèl legal ak manm kap ranfòse lalwa. Nou te konvoke Gwoup moun sa yo lè pèp toupatou nan Boston ak Eta-Zini tap pwoteste kont mové kondwit lapolis ki twò souvan gen konsekans mètèl pou moun ki gen koulè yo, e yo mande chanjman nan enstitisyon an ak lwa enfrastikti lokal la.

Gwoup Travay sa a te chaje pou revize polisi ak pwosedi ke Depatman Lapolis Boston (“BPD”) genyen kouneya e prezante-l a Mjistra a ak rekòmandasyon piblik la pou refòm. Gwoup travay sa konsantre patikilyèman pou revize kat gran pwèn. Polisi pou Sèvi ak Fòs ; Fòmasyon Enplisit prejije, Pwogram pou mete Kamera sou yo, ak Ranfòse Konsèy Kominotè (« Co-Op »).

Yon fwa konvoke, Gwoup Travay la dakò ke rezon fondamantal rekòmandasyon yo an, te pou fè BPD reyalize ide ke yo pale pi wo a. Pou-n rive fè sa, Gwoup Travay la dakò sou yon seri gid de prensip—tankou, rekòmandasyon yo dwe ogmante ranfò, responsabilite, konfyans, transparans e yo ta dwe amelyore relasyon ant BPD ak kominote Boston an ke yap sèvi ak pwoteje.

Pou-n reyalize objektif sa yo, Gwoup Travay sa rekòmande ke Vil la ak BPD pran desizyon sa yo :

1. Kreye yon Biwo Lapolis endepandan ki Responsab e Transparan (“OPAT”) avèk investigasyon konplè ak pouvwa manda, tankou dwa pou rele temwen e mandé pou yo bay dokiman, pou ranplase Co-Op.
2. Fòmalize ak elaji angajman BPD a nan divèsite ak enklizyon.
3. Elaji itilizasyon pwgram pou BPD mete kamera sou yo, sa ka ogmante transparans ak reponsablite e kontinye entèdi sèvis byometrik ak rekonesans lojisyèl fasyal.
4. Amelyore Itilizasyon Fòs Règleman BPD ([Règleman 303](#), [Règleman 303A](#), [Règleman 303B](#), [Règleman 304](#)) pou yo pale klè e ranfòse konsekans Kòd disiplinè pou vyolasyon ak enfraksyon, rann BPD responsab piblikman lè yo vyole règleman sa yo.

Kòd Etik Aplikasyon lalwa de Asosyasyon Entènasyonal Chèf Lapolis (“IACP”)

5. Adopte enfòmasyon ak pratik dosye ki maksimize responsabilite, transparans ak aksè piblik dosye ak enfòmasyon BPD.

Pou nou ka aplike rekòmandasyon Gwoup Travay sa yo, Vil la ak BPD dwe angaje yo tou nan yon aksyon enstitisyonel ki elaji ak refòm ki depase rekòmandasyon espesifik ki rezime pi wo a e dekri anba a. Yo dwe

1. **Wè rekòmandasyon sa yo kòm planche olye de plafon nan refòm lapolis la.** Gwoup Travay la gen apeprè swasant jou pou yo fè rechèch e pwopose yon plan de rekòmandasyon de wo nivo bay Majistra a. Peryod tan sa pa asé pou ekri yon seri rekomadasyon wo nivo e detaye. BPD ak Vil la dwe kontinye travay avèk kominote Boston nan pou devlope lòt refòm adisyonèl.
2. **Engaje pou entènalize rekòmandasyon Gwoup Travay la.** Li pa ase pou Majistra a ka apwouve rekòmandasyon Gwoup Travay espesyal la ke BPD promèt pou-l aplike. BPD e/oswa Vil la dwe evalye pwogrè BPD yo e ranfòse konsekans si rezilta yo pa reyalize. Pou rezon sa a, Gwoup Travay la rekòmande ke tout rekòmandasyon-l yo dwe akonpaye ak metrik responsablite, devlope yon seri de konsekans disiplinè e bay denye novèl yo a piblik la
3. **Analize nan yon fason kritik kapasite ak Ekspètiz BPD e detèmine ki kote responsabilite yo ka chanje.** Pou-n evite doub kopi, depans ki pa nesèsè ogmante kantite moun kap travay nan biwo Vil la ak BPD dwe (1) evalye ekspètiz ak kapasite pou jere responsabilite yo genyen kouneya ki depase moun ki pou fè respekte lalwa; (2) analize egzistans ak kapasite potansyel de ajans Vil pou pran responsabilite yo ; e (3) devlope yon relasyon ak BPD e lòt ajans vil yo pou akonpli objektif sa yo
4. **Devlope yon kilti ki bay priyorite ak divèsite, ekite, ak angajman kominote a. Develop a culture that prioritizes diversity, equity, and community engagement.** Rapò sa a genyen plisyè rekòmandasyon espesyal pou amelyore kilti BPD an. Rekòmandasyon sa yo pa asé. Pou-n ka vini avèk yon chanjman siyifikatif nan yon enstitisyon sa mande pou enstitisyon li menm ta chanje. Akoz de sa, BPD ak Vil la ta dwe reevalye demand sèvis sivil la ki gen rapò ak règleman disiplinè ofisye BPD yo ak anbochaj e pwomosyon règleman yo.
5. **Pwomès pou aplike rekomandasyon Gwoup Travay sa yo san yo pa ogmante bidjet BPD a.**

Rekòmandasyon yo, gwoupe pa revizyon zòn nan, dekri an bon detay anba la.²

² Pou enfòmasyon adisyonèl konsènan Rekòmandasyon 1 ak 2 tanpri gade see adendòm nan do rapò sa.

Rekòmansasyon 1: Kreye yon Biwo Lapolis endepandan Responsab e Transparan pou ranplase Komite Siveyans Mediatè Sivil la.

Konsèy endepandan siveyans Lapolis nan Vil Boston an te kreye nan ane 2007 kòm Sivil Ombudsman pou sipèvizite Komite a (Co-Op oswa "Komite a"). Objektif Komite a, yon gwoup endepandan de manm sivil, se rasire yo ke investigasyon lapolis yo jis e pandan tout tan yap revize konplent ke yo kont Ekip Investigasyon entenn BPD a e revize yon modèl de ka san konplent ki asosye avèk yo.

Pou Co-Op la ka reyalize objektif fondamantal li yo, nou dwe bay BPD responsab piblik la, li dwe rekonstitye kom yon nouvo oganizasyon ak plis responsablite ak yon manda transparans ak plis pouvwa pou mennen ankèt. Pi prezizeman, nouvo biwo sa a, OPAT ap gen pouvwa pou konvokasyon.

OPAT ap kontinye revize e rezoud tout konplent yo fè kont ekip Investigasyon Entenn BPD a, men lap revize tou e rezoud konplent sivil yo. Anplis de sa, OPAT ap konseye Majistra a ak BPD a sou politik lapolis, mennen ankèt aktyel ak nan tan pase sou diferan tretman de Nwa, Endijen, ak moun ki gen Koulè ("BIPOC") ofisye nan BPD a, epi pibliye rapò sou pwogrè BPD e sou objektif diferan refòm li yo.

Rekomandasyon 1.01: Vil la dwe elaji wòl Co-Op a ki deja egziste nan ranplase li ak yon nouvo biwo, OPAT li ta dwe genyen yon konsèy investigatwa ak yon sipevizè an chèf. Nan anplwaye ak inite li yo, OPAT dwe gen responsablite sa yo:

Rekòmansasyon 1.01 (a): Revize investigasyon konplete pa Depatman Zafè Entenn yo. Nan diskresyon li yo e san limit sou kantite investigasyon lap revize, OPAT, pa mwayen Zafè enten li yo ak Komite Sipevizyon an ("IAOP") inite, ta dwe revize investigasyon sou Zafè enten ki konplete pa BPD Depatman Zafè Enten ("IAD").

Rekòmansasyon 1.01 (b): Revize ak rezoud konplent sivil kont BPD a. OPAT, pa mwayen Komite Revizyon Sivil li yo ("CRB"), yo dwe fè yon investigasyon endepandan de konplent sivil yo. Konplent ki apwopriye pou revizyon enkli, men ki pa limite a, konplent ki enplike: (1) lanmò moun ki mouri nan men leta oswa blesi grav, (2) sèvi ak anpil fos ki lakoz lanmò oswa blesi grav, (3) akizasyon sou sèman kont yon ofisye BPD, oswa (4) akizasyon ke kondwit yon ofisye BPD te motive avèk yon entansyon diskriminatwa.

Rekòmansasyon 1.01 (c): Revize e apwouve a tan sa ki te deja egziste ak pwopoze pa BPD le li sèvi avèk zouti evalyasyon rasyal. Lè li apwopriye ki baze sou rezilta li yo, OPAT ta dwe sijere revizyon ak / oswa modifikasyon nan regleman ki deja egziste oswa regleman ki te pwopoze sou diskriminasyon ki baze sou ras, etnisite, idantite seksyèl, oryantasyon seksyèl, jen, laj avanse, oswa orijin nasyonal nan Komisyon Lapolis la.

Rekòmandasyon 1.01 (d): Fè yon evalyasyon ekite sou anrolman aktyèl ak nan tan pase do BPD yo, anbochaj, pwomosyon, dosye disiplinè ak revokasyon. Pou derasine diferan tretman sa yo nan kandida BIPOC ak ofisye yo, OPAT dwe mennen anket sou akizasyon diferan tretman lè yap fè anrolman, anbochaj, pwomosyon, discipline ak revokasyon. An konsekans, OPAT ta dwe endepandaman revize ka kote yo discipline oswa revoke yon BIPOC ofisye. Lè sa a rekòmandasyon OPAT yo, yo ta dwe voye'l bay Komisyonè Lapolis la pou-l revize. OPAT ta dwe tou pibliye piblikman, rapò semi-anyèl de rezilta li yo.

Rekòmandasyon 1.01 (e): Revize e analize enfòmasyon chan, Ankèt, ak Obsevasyon ("FIO") e pibliye rezilta li yo sou yon baz semi-anyèl.

Rekòmandasyon 1.01 (f) : Fè yon evalyasyon kominote anyèl de Komisyonè Lapolis la epi bay Majistra rezilta yo.

Rekòmandasyon 1.01(g) : Ede Majistra chwazi yon Komisyonè Lapolis. OPAT ta dwe evalye kandida potansyèl ak bay rekòmandasyon ki baze sou sa kominote a di.

Rekòmandasyon 1.02: Estrikti OPAT la ta dwe fasilite misyon li pou amelyore responsabilite ak transparans nan estrikti BPD.³ OPAT estrikti dwe gen ladan yon dirijan ki fò pou oryante ak sipèvize travay li yo, de inite espesyalize e separe ki chaje pou revize investigasyon zafe enten ak konplent sivil yo, respektivman, e ak yon anlwaye trè kalifye ap pefòme administrasyon OPAT la, ekzekitif, ak fonksyonman ankèt yo.

Rekòmandasyon 1.02 (a) Twa komisyonè yo ta dwe fòme ekip dirijan OPAT la. Komisyonè yo ap, Direktè Egzekitif de Administrasyon egzekitif la, Prezidan IAOP a, ak Prezidan Komite Revizyon Sivil la, Chèf nan twa inite OPAT yo.

Komisyonè yo dwe gen eksperyans egziye ak anpil konesans pou dirije OPAT. Se poutèt sa, chak Komisyonè ta dwe genyen kèk espetiz ki gen rapò nan refòm lapolis. Epi chak Komisyonè ta dwe you reprezantan de yon gwoup demografik ki kapab afekte itilizasyon de yon fòs eksestif ki pa apwopriye ak itilize twop FIOs.

Komisyonè yo ta dwe responsab pou apwouve demann konvokasyon an avèk tou pou yo konvoke omwen kat reyinyon ak kominote an pa ane. A chak fwa reyinyon yo dwe fèt nan yon diferan katye nan Boston.

Rekòmandasyon 1.02 (b): OPAT ta dwe genyen yon Administratè Egzekitif ("Anlwaye OPAT") responsab pou okipe de misyon li chak jou. Anlwaye OPAT yo ta dwe:

Rekòmandasyon 1.02 (b) (1) Triye konplent sitwayen ke OPAT resevwa yo. Anlwaye OPAT yo ta dwe rekòmande youn nan rezilta sa yo jwen yo: (1) Anile;

(2) rekòmasyon pou medyasyon; (3) andeyò entèval aplikasyon an; (4) referal a IAOP. (5) referal a CRB.

³ *Gade* adendòm pou dosye oganizasyonèl OPAT la.

Anplwaye OPAT yo ta dwe pefòme yon ankèt travay nesèsè pou IAOP ak CRB pou rezoud zafè entenn ak pwoblem konplent sivil yo youn aprè lòt. Sak fè pati responsablite sa se, anplwaye OPAT ta dwe ekri bouyon rapò ki rezime tout sa yo jwen nan ankèt yo e prezante rezilta yo jwen yo ak inite ki fè demann pou yo.

Rekòmasyon 1.02 (b) (2) : Administrasyon Egzekitif la ta dwe gen anplwaye ki ka ranpli plizyè tip de responsablite. Donk, Vil la ta dwe klasifye anplwaye OPAT yo kòm moun minisipal anplwaye a plen tan e bay OPAT resous pou anrole e chwazi aplikan ki trè kalifye ak dirijan. Pou pi piti, Administratè Egzekitif la dwe genyen yon direktè egzekitif, yon direktè depite, yon pwofesyonèl teknik ki trè kalifye, anketè endepandan, analis, pwofesyonel pou fè respekte lalwa, stratejis kominikasyon, komite lyezon ak medyatè pwofesyonèl.

Rekòmasyon 1.02 (b)(3): Direktè Egzekitif la pral dirije Administrasyon Egzekitif la. Direktè Egzekitif yo dwe yon manm nan baro Massachusetts la, men yo pa dwe pratike lalwa pandan yap fè manda yo. Epi tou Direktè Egzekitif yo dwe rete nan Vil Boston pandan tout tan yap fè manda yo.

Rekòmasyon 1.02 (c): *Co-Op la ta dwe rekonstwi. Nouvo antite a ta dwe konnen kòm « IAOP. »* IAOP yo ta dwe gen dwa pou konplete revizyon ankèt zafè entenn yo nan tout diskresyon yo e san limitasyon ak kantite ankèt ke yo dwe revize.

IAOP ta dwe gen senk manm. Majistra a dwe nome pwop manm pa li de gwoup aplikan ki rekòmande pa defansè dwa sivil yo, oganizasyon jèn yo, asosyasyon katye ak asosyasyon lapolis.

Manm IAOP dwe gen twa manda e yo pa dwe fè plis ke de manda konsekitif. Manm yo ap resevwa kòb.

Après investigasyon ak revè ankèt zafè entenn yo, IAOP pral delibere e konkli youn nan rezilta sa yo. (1) Mwen dakò avèk desizyon IAD; (2) Mwen pa dakò avèk desizyon; or (3) refere ankò a Zafè Entenn pou plis ankèt avèk aksyon

Lè IAOP komite an pa dakò avèk desizyon orijinal IAD la, IAOP pral refere dosye a Komisyonè Lapolis la pou plis aksyon.

Rekòmandasyon 1.02 (d) : Komite Revizyon Civil (“CRB”) dwe responsab pou revize konplent sivil yo kont BPD. E li dwe sou tout diskresyon, ankete dosye ki gen rapò a misyon jeneral OPAT.

CRB ta dwe genyen pou pi piti sèt men pa plis ke onz (« Manm Konsèy»). Majistra a pral nome Manm komite avèk èd Konsil Vil la ak kominote Boston yo. Prezidan Konsil Vil pral rekòmande de nomine ke li menm ap selekte. Epi Mjistra dwe selekte rès nomine yo de gwoup aplikan ki nomine pa defansè gwoup dwa sivil yo, oganizasyon jèn yo, asosyasyon katye ak ansyen manm moun ki ranfòse lalwa. Manm Konsèy CRB yo pa kapab manm moun kap ranfòse lalwa.

CBR responsab pou-l rezoud konplent sivilien yo. Avèk asistans anketè de Anplwaye Egzekitif la, CBR pral delibere e vini avèk yon konklizyon sou konplent yo fè yo. CRB dwe chwazi youn nan rezilta sa yo: (1) Soutni ; (2) Pa Soutni ; (3) Egzonere; (4) Pa Justifye; (5) Demann Enfòmasyon (efò an pa sifi pou fè yon konklizyon.

Si CRB soutni konplent la, yap refere dosye a Komisyonè Lapolis la pou pran aksyon disiplinè e bay yon kopi a Komisyonè a. Desizyon CRB ta dwe final e yo dwe publiye rezilta yo nan rapò semi-anyèl OPAT.

Rekòmandasyon 1.03 : Biwo OPAT la dwe lokalize nan kominote kote lap sèvi a. Pou ankouraje angajman ak patisipasyon kominote a, biwo prensipal la dwe lokalize nan katye kote rezidan yo te afekte plis pa fòs eksèsif FIOs. Biwo pa dwe fizikman lokalize nan lakominn nan ni nan BPD a.

Rekòmandasyon 1.04: Tout pati ki enplike nan ankèt OPAT la genyen dwa pou yo konnen estati dosye a. Daprè tout bagay sa yo, tout ankèt yo dwe swiv yon delè ki strik (gade Rekòmandasyon 5 la ak sa ki ajoute yo pou plis detay). Lè yo pa ka respekte delè yo, OPAT dwe enfòme tout pati ki konsène yo. Li dwe bay enfòmasyon'l nan delè'l genyen pou bay li a piblik la.

Rekòmandasyon 2: Fòmalize e etann angajman BPD a nan divèsite ak enklizyon.

Pou Kreye yon fòs lapolis kap sèvi tout kominote a avèk respè, BPD a dwe pwomèt pou'l ogmante divèsite nan tout ran li yo e pwomote yon kilti inklisif ki jis san patipri nan mitan BPD a ak nan tout Boston.

Rekòmandasyon 2.01 Kreye yon politik divèsite ak enklizyon fòmèl. Kounyea, BPD pa gen ankenn politik divèsite ak enklizyon fòmèl. Li dwe deklare klèman angajman BPD yo pran pou anrole, anboche, retansyon ak avansman BIPOC ofisye ki sèmante ak anplwaye sivil.

Gwoup Travay yo rekòmande pou règleman yo adrese espesyalman pwoblèm sa yo: divèsite ak enklizyon nan mitan Pwogram Kadet a Lapolis Akademi an; anboche e pwomote ekite, enkli fòs anplwaye sivil la; e divèsite ak enklizyon nan inite/distrik ki pi souvan gen enteraksyon avèk kominote BIPOC a, enkli B-2, B-3, C-11, Gang e Inite Dwog.⁴

Rekòmandasyon 2.02: Kreye yon Inite Divèsite e Enklizyon nan BPD. BPD dwe devlope yon Inite, divèsite e Enklizyon (“D&I”). Kounyea, BPD gen yon sèl ofisye divèsite pou anboche ak administratè pou egzamen. Ofisye sa genyen yon wol ki limité nan pwomosyon, kilti enstitisyonèl e dosye fòmasyon. Sa dwe chanje.

⁴ B-2, B-3 e C-11 se Distri

Nouvo Inite D&I dwe genyen yon Ofisye Divèsite an Chèf e Ofisye Divèsite Anrolman an ki rapòte dirèkteman a Komisyonè⁵ Lapolis la. Inite D&I dwe avize tout dosye ki gen rapò a: (1) anrolman, (2) anbochman, (3) retansyon, (4) pwomosyon, (5) disiplin, (6) revokasyon ofisye BIPOC, (7) kilti BPD, (8) fòmasyon sou antirasis e enplisit patipri, e (9) Rapò Ofisye Minorite yo sou Diskriminasyon.

Inite D&I a dwe evalye kritè anrolman BPD a, nòm li, ak referans pou rasire ke yo prepare yo nan tout jan ki nesèsè pou fè byen sa travay la mande. Inite D&I a dwe analize liy pwogram ki deja egziste e kreye yon nouvo relasyon ki konekte BPD a Lekòl Piblik Boston (“BPS”) ak etidyan nan kolèj kominotè lokal.

Pou rann BPD de angajman yo kosènan divèsite ak enklizyon, Inite D&I dwe fè yon revè anyèl sou pwogrè BPD. Revè anyèl la dwe analize anbochman ak pwomosyon, retansyon ak enfòmasyon sou revokasyon (tankou, enfòmasyon entenn) ak enfòmasyon ki gen rapò ak yon lapolis ekkitab (tankou enfòmasyon ekstèn).

Rekòmandasyon 2.03: Bay priyorite ak anrolman e anbochman BIPOC ki sèmante ok ofisye civil pandan ke nap revize sistèm sèvis sivil la pou bay priyorite ak anbochman lokal. Sa ki enpòtan ak efò sa se etabli yon preferans pou diplomé BPS yo. Kounyea, yo bay preferans a veteran ki fè sèvis militè ki nan lis eligibilite sèvis sivil pou yon pozisyon e yo gen de pwen ki ajoute nan nòt yo an jeneral pou egzamen pwomosyonèl yo. Gwoup Travay la rekòmande pou yo devlope yon preferans parèy pou BPS. Preferans pral aplike a tout moun ki resevwa yon diplòm segondè nan yon entitisyon BPS, lap fè moun ki kalifye yo vinn nan menm nivo ak veteran yo.

Rekòmandasyon 2.04 : Bay priyorite pou avanse ak kenbe BIPOC ki sèmante yo ak ofisye sivil yo. Li pa sifi pou BPD pwomote divèsite pami nouvo moun ke lap rekrite yo.

Rekòmandasyon 2.04 (a) : Refòm pwotokòl pwomosyon pou li ka mwens depann sou egzamen ekri yo. Sipèvizyon lapolis se yon travay ki konpleks, ki mande pou gen anpil konpetans ki pa ka touche, ki pa kapab evalye pa yon tès ofisyèl. Pou tèt sa, Vil la, avèk èd yon konsiltan pwofesyonèl, dwe revize règleman pwomosyon aktyèl li yo e revize yo pou yo evalye konpetans esansyèl yo mande pou sèjan, lietan

oswa kaptèn kapab fonksyone. Vil la dwe reoryante pwotokòl pwomosyon ak egzamen yo pou evalye konpetans.

An menm tan, BPS dwe aplike règleman pou elimine tès ki enjis. Règleman sa yo dwe enkli:

- Bay de pwen adisyonèl nan egzamen gradye BPS yo e/oswa rezidan nan Vil Boston an ki rete nan Vil la pa mwens ke senk an.
- Sispann sèvi ak politik patwonaj pou detèmine moun yo selekte pou pozisyon ke yo nome a.
- Ogmante transparans egzamen pwomosyonèl la pandan ke yap bay nòt yo byen vit ke posib e bay kesyon ak repons yo tou swit aprè ke aplikan konplete egzamen yo. Règleman sa yo pral ede evite pespsyon ke yo manipile rezilta egzamen yo e lap pèmèt kandida yo gen konfyans nan lejitimite nòt yo.
- Pou pèsonèl BPD a elimine aksè ak egzamen yo avan dat.
- Mete plis aksan sou sèvis dosye aplikan depatmantal yo pou detèmine pwomosyon yo.

Rekòmandasyon 2.05: Mete a jou règleman san patipri lapolis Boston an. Règleman aktyèl [san patipri](#) (Règleman 113A) BPD a li pa a nivo nan de fason prensipal. Premyèman, li pa byen ekspri angajman BPD pou pwoteje e sèvi nan yon fason san patipri. Dezyèmman, Kouneya li pa arive defini yon règleman san patipri.

⁵ Kouneya, biwo Ofisye Divèsite a ak Administratè Egzamen an nan Depatman Resous Umènn nan BPD department.

BPD dwe revise règleman ki deklare klèman angajman tout BPD yo (tankou tout ofisye sou sèman ak amplwaye sivil yo) pou bay sèvis de kalite elve san patipri a chak kominote nan Boston. Pou arive fè sa, règleman revize a dwe kominike pwosedi yo klè pou ankouraje transparans ak responsablite.

BPD dwe define “règleman san patipri” e rann klè ke li pa konsidere ras, etnisite, idantite seksyèl, oryantasyon seksyèl, jèn, laj avanse, orijin nasyonal, eksepte lè yon enfòmasyon kredib asosye yon moun avèk yon karakteristik aksidantèl, modèl kriminèl, oswa konplo.

Rekòmandasyon 2.06: Amelyore fòmasyon ekite rasyal yo. Depi 2005, BPD itilize yon pwogram fòmasyon ke yo konnen sou non: Jis & Règleman san Patipri. Fòmasyon sa konplètman pa apwoprye. Sal gen ladan yo demode, BPD bay yo sèlman ak moun kap fè staj yo, e li twò kout (sèlman de zèd tan) pou byen kominike objektif yo. BPD dwe egzamine an jeneral tout pwogram fòmasyon ekite rasyal li yo a. Yo dwe vini avèk nouvo pwogram elabore e avanse e chak moun---tout anrole yo, ofisye sou sèman ak anplwaye sivil yo—dwe patisipe.

Daprè tout bagay, BPD dwe aplike yon kourikoulòm ekite rasyal e konsantre sou règleman ekitab e amelyore relasyon BPD avèk kominote Boston an. Konsa, pwogram yo dwe pwomote ekite rasyal ak alfabetizasyon e fè yon oryantasyon anti-rasis. BPD dwe devlope tou yon fòmasyon konplemantè ki konsantre sou entèlijans emosyonèl, kominikasyon, ekoute, konfli jesyonèl, ak panse kritik.

Pou mezire efektivman fòmasyon sa yo, BPD dwe devlope mezi pou evalye pwogrè BPD nan realizasyon objektif divèsite ak enklizyon. Gwoup Travay la rekonèt ke evalye efikasite fòmasyon ekite rasyal la se yon pwoblem ki difisil ak pèsistan pou depatman lapolis nan tout peyi a. Mezi ki posib yo se enfòmasyon FIO, konplent statistk prejije, ensidan soutni de yon statistic prejije.

Rekòmandasyon 2.07: Etabli yon Gwoup Travay pou Aplike Ide Ekite Rasyal yo. Pou nou ka entenalize yon angajman a ekite rasyal la e divèsite ak enklizyon an, BPD pa kapab sèlman adopte rekòmandasyon sa yo epi pou'l pa mete yo an pratik. Pou nou enkòpore rekòmandasyon sa yo nou bezwen gen adezyon BPD. Espesyalman gwoup travay la dwe responsab pou devlope mezi pou evalye pwogrè BPD pou yo kapab pratike rekòmandasyon yo, evalye pwogrè BPD avèk mezi sa yo e envante estrateji pou entegre rekòmandasyon yo ensanm ak individwi e entitasyon konsekan pou pwomote pwogrè.

Rekòmandasyon 3: Etann itilizasyon pwogram [kamera sou kò BPD](#) a (Règleman 405) konsa lap ogmante transparans ak responsablite lapolis, e kontinye entèdi isaj lojisye byometrik ak rekonesans fasyal.

Gwoup Travay la rekòmande pou etann pwogram kamera sou kò, men fè sa nan yon fason ki maksimize aksè piblik ak responsabilite BPD ak transparans e minimize potansyèl pou diskriminasyon e/oswa pou-n depann sou imaj kamera sou kò nan travay polisye BPD a.

Rekòmandasyon 3.01 : Etann pwogram kamera sou kò a ki enkli tout ofisye a inifòm BPD.

Rekòmandasyon 3.02 Mande pou ofisye inifòm BPD yo kenbe kamera yo sou kò yo pandan tout tan nan lè travay yo, ak eksepsyon pou vi prive.

Rekòmandasyon 3.03: Pèmèt moun ki anrejistre pa PBD (oswa frè ak sè yo) gen aksè san restriksyon a kamera sou kò a pou tèt pa yo (oswa yon manm nan fanmi yo)

Rekòmandasyon 3.04: Bay piblik la tout aksè a imaj kamera sou kò sou FOIA.

Rekòmandasyon 3.05: Ogmante peryòd retansyon pou kamera sou kò. BPD a ta dwe kenbe imaj kamera sou kò pou omwen sis mwa, oswa, si sijè a, ofisye, oswa ofisye sipèvizè siyale imaj yo BPD ta dwe kenbe imaj yo pou twa zan.

Rekòmandasyon 3.06: Devlope pwosedi ki klè ak konsekans pou vyolasyon polisi kamera sou kò. Menm si vyolasyon nan pwogram kamera sou kò a ap adrese kounyea ak Kòd Disiplinè BPD, BPD a ta dwe devlope yon sistèm pwogresis nivo pou disiplin ki klèman esplike konsekans pou vyolasyon polisi yo. Konsekans sa yo ta dwe afekte pwomosyon ofisye yo ak / oswa ogmantasyon salè yo.

Rekomandasyon 3.07: Kontinye entèdiksyon BPD sou zafè byometrik ak teknoloji rekonesans fasyal la nan pwogram kamera sou kò.

Rekòmandasyon 4: Devlope isaj fòs règleman fòs ki montre a klè konsekans disiplinè pou vyolasyon sa yo, kenbe BPD responsab devan piblik la, epi minimize risk pou vyolasyon kap repete.

Pou kreye yon BPD ki pwoteje ak sèvi tout kominote Boston an, li dwe pran angajman pou mete règleman disiplinè ki klè, règleman disiplinè ak fòs pou isaj fòs an aplikasyon avèk lòt vyolasyon⁶ ki asosye ak yo. Sak ki pi enpòtan an, BPD dwe angaje tou nan aplike règleman sa yo tout tan e avèk bòn fwa.

BPD ta dwe tou swiv ak pataje enfòmasyon sou move kondwit ofisye avèk piblik la regilyèman. Li ta dwe rekonèt nan règleman li yo ke idantite moun nan (sa vle di, ras, etnisite, idantite seksyèl, oryantasyon seksyèl, jèn laj avanse, oswa orijin nasyonal) ka gen yon enpak ki pa egal sou ki jan moun sa a afekte pa isaj fòs.

Rekòmandasyon 4.01: Yo ta dwe oblije BPD pou rapòte efòmasyon sou isaj fòs, ki enkli ladan dechaje zam, a leta ki apwopriye ak ajans federal nan yon delè jan yo te promèt la. Anplis, enfòmasyon sa yo ta dwe mete disponib pou piblik la sou tablo afich la⁷ ak lòt rapò mekanis, tankou yon rapò anyèl.

⁶ Kapab genyen yon koneksyon anti itilize vyolans ak abi domestik. Gade <https://scholarworks.sjsu.edu/cgi/viewcontent.cgi?article=1066&context=themis>

⁷ [Lòd Ekzekitif](#) Gen Rapò a Ouvri Enfòmasyon e Proteje Enfòmasyon ke yo Pataje yo (2014)

Rekòmandasyon 4.02: Yo dwe oblije BPD pou rapòte lanmò ki gen rapò ak arestasyon ("ARD") a pwogram rapòtaj moun ki mouri nan men leta ("DCRP"). Anplis, BPD dwe mete enfòmasyon ARD yo disponib pou piblik la nan tablo afich la ak lòt rapò mekanis yo tankou yon rapò anyèl.

Rekòmandasyon 4.03 : Nan kowòdinasyon ak Vil la, BPD dwe travay pou rezoud tout ka aktyèl ki enplike tout itilization anpil fòs ak lanmò ilegal. Anplis, BPD dwe pibliye tout enfòmasyon ak dosye ki gen rapò ak fòs eksef avèk ka lanmò ki pa jistifye. Enfòmasyon konsènan BPD nan

itilizasyon fòs eksestif avèk ka moun ki mouri mal ak enfòmasyon ki koresponn a dosye sa yo dwe disponib pou piblik la nan tablo afich la, ak lòt rapò mekanis, tankou yon rapò anyèl.

Rekòmandasyon 4.04: BPD dwe kreye yon lis enfrazyon zewo-tolerans. Lis sa dwe enkli vyolasyon ki lakòz revokasyon imedyat ak vyolasyon oswa devyasyon ki lakòz enfrazyon. Li dwe tou pran an konsiderasyon gravite vyolasyon an ak prezante yon maksimòm kantite enfrazyon oswa vyolasyon ki ka komèt anvan revokasyon.an.

BPD dwe devlope tou yon lis ofisye ak pwoblèm ki baze sou enfrazyon ak IADPro⁸. Lis ofisye ki gen pwoblèm nan, ak done ki koresponn yo dwe disponib piblikman atravè tablo afich la, ak lòt mekanism rapò, tankou yon rapò anyèl.

Rekòmandasyon 4.05: BPD dwe revize, epi mete ajou itilizasyon règleman itilizatin fòs li konsa pou yo dakò avèk kontinyom⁹ itilizasyon fòs.

Rekòmandasyon 4.06: Vyolans domestik pa anplwaye BPD yo ta dwe klase kòm fòs twòp.¹⁰

Rekòmandasyon 4.07: Aprè itilizasyon fòs, twòp fòs oswa touye yon sivil pandan yon ensidan, Ofisye ki enplike nan ka sa dwe fè yon evalyasyon sikolojik ak soumèt a tès dwòg /ak alkòl.

Rekòmandasyon 4.08: BPD ta dwe enkli lang nan polisi li yo ki dirèkteman adrese ras, etnisite, idantite seksyèl, oryantasyon seksyèl, jèn, granmoun aje, oswa orijin nasyonal la. Idantite sa yo gen yon enpak disproporsyone de si yon moun fè eksperyans ofisye ki itilize fòs

Rekòmandasyon 5: BPD dwe devlope enfòmasyon e dosye pratik ki maksimize responsablite, transparans ak aksè piblik a dosye e enfòmasyon BPD yo.

Rekòmandasyon 5.01: BPD dwe piblye enfòmasyon konsènan kondwit¹¹ ofisye ki delika. BPD gen responsablite pou'l pataje enfòmasyon konsènan kondwit ofisye ki delika yo a kominote Boston an. Pa konsekan, BPD dwe kreye yon seri de zouti piblik ki aksesib a rapò

⁸ IAD: Divizyon Zafè Entèn

⁹ Règleman ki ede a Ranfòse lalwa isaj fòs. Règleman sa yo dekri yon seri de gwo aksyon ke ofisye kapab pran pou rezoud yon sitiyasyon. Jeneralman kontinite sa gen plizye nivo, e yo fòme ofisye yo pou reponn ak sitiyasyon ki nan men yo a yo ak yon nivo fòs ki apwopriye, men nou rekonèt ke ofisye a ka fè yon lòt bagay nan yon segond. Gade <https://nij.ojp.gov/topics/articles/use-force-continuum>.

¹⁰ Yo defini Fòs Rezonab Nou easonable kòm yon repons ki byen chita e balance a konfwontasyon ki nesesè pou metrize yon rezistans ilegal e regenyen kontwòl sitiyasyon an ([Rule 304](#)).

¹¹ Ensidan delika ki gen rapò a BPD dwe enkli men ki pa limite: sitwayen ak konplent entèn kont ofisye BPD yo, ensidan isaj fòs yo, dechaje zam, lanmò moun ki mouri nan men leta, FIOs, e manda pou rechèch.

ki dokimante kondwit sa a. Omwen, youn nan zouti sa, dwe konsantre sou kondwit ofisye ki delika¹² a e tout rapò zouti sa yo dwe aksesib nan sit entènèt¹³ Responsablite ak Transparans la.

BPD a dwe rasire yo ke tablo afich yo ak tout lòt zouti rapò yo chwazi pou yo adopte dwe aksesib a tout moun kap viv nan Boston. Espesyalman, BPD dwe angaje pou pibliye sit entènèt Responsablite ak Transparans ak tout tablo enfòmasyon an osito yo ale sou entènèt la. Li dwe desine Responsablite ak Transparans sit entènèt la konsa tout moun ki rete nan Boston ka jwen aksè sou li. Li enkli fè sit entènèt la disponib nan plizyè lang ke moun ki rete nan Boston yo pale e fè sit entènèt la vizib sou tout kalite aparèy, paske anpil Bostonyen pa gen aksè avèk entènèt sou òdinatè.

Rekòmandasyon 5.02 : BPD dwe etabli yon delè pou yo pibliye dosye BPD ki pwomote piblikasyon dosye yo tou swit vit ke posib baze sou kontèks faktè yo. Anplis, lè BPD pa rive rankontre a delè ke yo te fikse a, li dwe piblikman rekonèt ke li echwe.

Rekòmandasyon 5.03: Pou fasilite amelyorasyon koleksyon enfòmasyon yo, rapò ak aksè piblik, BPD dwe kreye yon Inite Dosye Piblik. BPD dwe òdone Init Dosye Piblik la pou kenbe dosye delika ofisye ki enplike nan insidan epi sipèvize piblikasyon enfòmasyon sa yo sou tablo afiche ak lòt zouti pou kenbe dosye yo.

Konklisyon

Gwoup Travay la ofri rekòmandasyon sa yo pa kòm yon lis polis refòm de rekòmandasyon final, men kòm yon baz ke yo ka kontinye fè lòt travay adisyonèl ladan. Pou-n ka vini avèk refò siyifikatif a BPD, refòm entèn e ki obsève chak jou. Gen plis travay ki pou fèt. Anplis, nou rekònen ke Vil la ak BPD ap benefisye de yon etid ki pi konpreansif nan pwoblem sa yo. Pou tèt sa, Gwoup Travay la ap sijere trè fò ke yap finanse yon etid parèy.

Remèsiman

Rapò sa reflète kontribisyon yon sentèn de moun e se yon rezilta pwosesis kolaborasyon nou. Gwoup Travay la rekonesan a tout moun ki patisipe nan pwosesis sa.

Gwoup Travay la kontakte plizyè ekspè pandan rechèch ak redaksyon de rekòmandasyon sa yo. Li vle remèsye yo pou kontribisyon jeneres pou tan ak ekspètiz yo. Gwoup travay la apresye: Branville G. Bard, Komisyone, Depatman Lapolis Cambridge; Larry Mayes, Ansyen Manm Komite CO-OP; Natashia Tidwell, Ansyen Mann Komite CO-OP; Julien Mendele, Esq., Mann Komite CO-OP Boston; Christina Miller, Esq., Mann Komite CO-OP Boston;; Jassie Senwah, Mann Komite CO-OP Boston; Meredith Shih, Esq., Mann Komite CO-OP Boston; Honorab Regina Quinlan (Ret.), Mann Komite CO-OP Boston; Susan

¹² Vil la defini yon tablo afich kòm yon zouti pou pataje enfòmasyon ki sèvi avèk enfòmasyon vizyèl pou afiche Pèfòmans indicate enpòtan (“KPIs”) pou evalue plizyè aspè nan pèfòmans pandan ke veye sou aksyon yo.

¹³ Nan mwa Out 2020, Komisyonè Lapolis Gross pwomèt pou'l amelyore koleksyon enfòmasyon yo, ogmante rapò ak aksè piblik pandan ke yap konside isaj fòs, konplent e lòt mezi responsablite Lapolis.

Lee, Despite Majistra Sekirite Piblik, Biwo Sivil Responsab Lapolis Chicago; John Darche, Komite Revizyon Konplent Sivil New York City; Jerika Richardson, Komite Revizyon Konplent Sivil New York City; Yojaira Alvarez, Komite Revizyon Konplent Sivil New York City; Dr. Atiyah Martin, All Aces, Inc; Dr. Tracie L. Keese, Sant Pou Ekite Polisyè; John Gibbons, Etazini Marshall Distri nan Massachusetts; Maria Cheevers, Direktè Rechèch ak Devlopman, Depatman Lapolis Boston; Jenna Savage, Depite Direktè Research ak Devlopman, Depatman Lapolis Boston; Jen Mcconochie, Direktè Stratejik Initiatif & Règleman, Depatman Lapolis Boston; Segun Idowu, Direktè Egzekitif, Black Economic Council of MA and Co-Founder, Boston Police Camera Action Team; Shekia Scott, Ko-Fondatè, Ekip Aksyon Kamera Lapolis Boston; Rahsaan Hall, Direktè, Pwogram Jistis Rasyal, ACLU of MA; Rachael Rollins, Avoka Distri Konte Suffolk; Jack McDevitt, Direktè Inivèsite Northeastern Enstiti Ras ak Jistis.

Gwoup Travay la vle remèsye Lon Povich, Lily Ricci ak Amber Aspinall de Anderson Kreiger LLP e RJ ("Jack") Cinquegrana, Danielle Pelot, Diana Lloyd, e Christine Savage de Choate, Hall & Stewart LLP, ki kontribye a yon rechèch inestimab Gwoup Travay.

Gwoup Travay vle remèsye tou konsèy legal li yo, Marielle Sanchez, Esq., de Goodwin, LLP pou kontribisyon yo nan travay sa.

Soumèt avèk Respè


Prezidan Wayne Budd, Ansyen Avoka Etazini pou Distri nan *Massachusetts*
Allison S. Cartwright, *Avoka an Chaj, Biwo Defans Piblik nan Roxbury*
Darrin Howell, Prezidan, *DRIVE Resous Kominote Boston Inc. & 1199SEIU*
Sipèentandan Dennis White, *Chèf Anplwaye, Depatman Lapolis Boston*
Eddy Chrispin, Depatman Lapolis Boston, *Sèjan & Prezidan de MAMLEO*
Jamarhl Crawford, Rezidan *Boston*
Javier Flores, *Dinsmore & Shohl, LLP*
Reveran Jeffrey Brown, *Asosyet Pastè, Historic Twelfth Baptist Church, Roxbury*
Joseph D. Feaster, Jr., Prezidan Konsèy, *Urban League of Eastern Massachusetts*
Marie St. Fleur, Ansyen Reprezantan Leta nan Boston, *Massachusetts*,
Tanisha Sullivan, *Prezidan, NAACP Sikisal Boston*

ADISYONEL

Rekòmandasyon 1: Kreye yon Biwo endepandan Responsab ak Transparans Lapolis (“OPAT”) avèk plen pou envestige e pou konvoke pou ranplase Co-Op.

Biwo Règleman Responsab ak Transparans (OPAT)

Tablo Oganizasyon / Rapò Estrikti



Rekòmandasyon 2: Fòmalye e etann angajman BPD nan divèsite ak enklizyon

Bagay sa yo se yon apèsi de rechèch ak resous ke Gwoup Travay la itilize lè yo tap devlope rekòmandasyon pou divèsite ak enklizyon yo an.

I. DIVESITE AK ENKLIZYON: ANBOCHMAN, PWOMOSYON, RETANSYON

Pwogram divèsite yo konsantre sou ogmantasyon yon kantite gwoup ki pa reprezante nan yon oganizasyon. BPD te deja mete aksan pou genyen yon fòs lapolis ki reflekte demografik nan kominote li bay sèvis la. Sepandan malgre efò sa yo, menm jan li reflekte nan tab anba a, minorite yo pa reprezante byen nan BPD, patikilyèman nan nivo siperyè nan oganizasyon. Klèman absan nan strikti ak règleman BPD kouneya, se ofisye divèsite ak enklizyon ki enplike avèk pwomosyon e retansyon (kòm opoze a anrolman) oswa nenpòt règleman divèsite ak enklizyon fòmèl pou asire siksè avèk efò a kontinye pou anrole moun ki gen koulè nan BPD, e ekite an tèm de opòtinite pwomosyonèl e avansman pou ofisye yo.

Règleman Demografik

Ras/Etnisite	Popilasyon Boston	Fòs Lapolis	Kòmandan	Kapitènn	Lyetnan	Sègen	Detektif	Patwouy
Blan	43.90%	65.00%	52%	85%	97%	79%	57%	63%
Nwa	23.10%	21%	35%	7%	3%	14%	31%	22%
Panyòl Total	20.40%	11.00%	9%	4%	0%	6%	10%	12%
Azyatik	9.70%	2.00%	4%	4%	0%	1%	3%	3%

Malgre enpòtan, efò divèsite ak enklizyon an pa motive sou konsiderasyon ekite ak jistis pa yon pèspektif anplwaye. O kontrè, yo esansyèl to asire divèsite kiltirèl, pèspektif, ak eksperians, kidonk amelyore pèfòmans la an jeneral. Anplis, divèsite a enpòtan pou pèsepsyon kominote a. Pou yon pwogram divèsite fè siksè, li dwe gen enpak dirèk sou kilti oganizasyonèl la, ki egzije yon reprezantasyon de minorite a yon nivo sifizan ke tout ansanm ou mitan dirijan yo.

Bezwen pou Chanjman

Chan enfòmasyon Enterogasyon ak Obsèvasyon BPD a sipote anpil bezwen ki dwe chanje yo. Kòm sa reflète anba a, règleman an demontre ke Afriken Ameriken yo e nan yon fason ki piti, Latino, yo dispwopòsyonèlman kanpe yo. Malgre ke enfòmasyon ki kache yo ka enfliane pa faktè ki pa sèlman fonde sous ras, dispwopòsyonalite konsistan sijere yon patipri enplis e eksplisit. Nan nòt yo gen done mandate, ki sijere ke Afriken Ameriken avèk Latino yo, yo se individi ke yo bay plis manda enkli sa ke ras ak etnisite yo pa espesifye.

FIOs

- FIOs diminye: 55,000 in 2018; 14,000 in 2019
- An 2019, 70% de FIO's Enplike Afriken Ameriken

Manda: 2015-2020

Ras/Etnisite	Popilasyon Boston	Manda–Tout	Manda San Frape
Blan (pa-panyòl)	43.90%	0	0
Nwa (pa-panyòl)	23.10%	34	15
Panyòl	20.40%	22.00	12
Azyatik	9.70%	1.00	1
Lòt	2.80%	2.00	0
Pa espesifye	N/A	19.00	13

Done Arestasyon: 2017-2019

Ras/Etnisite	Popilasyon Boston	Arestasyon	Nomb Arestasyon
Blan	43.90%	27.60%	8239
Nwa	23.10%	47%	14043
Panyòl Blan		14.70%	4385
Panyòl Nwa		8.80%	2637
Panyòl Total	20.40%	23.50%	7022
Azyatik	9.70%	1.60%	465
Lòt	2.80%	0.40%	99

Kreye yon Preferans pou moun ki diplome nan Boston Piblik

. Anbochman BPS fèt prensipalman nan seleksyon aplikan ki te pran egzamen sèvis sivil la. Daprè M.G.L. c. 31 § 26, yo bay preferans a veteran yo nan list kalifikasyon pozisyon sèvis sivil

yo e yo ajoute de (2) pwen sou nòt jeneral yo pou egzamen pwomosyonèl yo. Notanman, dapre M.G.L. c. 31 § 58, Boston akòde tou preferans ak « rezidan'l yo » a individ ki abite nan Vil la pou yon ane tou swit avan ke yo te pran egzamen sèvil sivil la.

Nou rekòmande pou yo devlope yon preferans pou elèv ki gradye nan lekòl segondè yo e resevwa yon degree nan sistèm Lekòl Piblik Boston yo. Yon preferans konsa ap gen avantaj pou ogmante opòtinite pou divèsite nan PBS ak anplwaye depatman yo avèk individ ki gen yon koneksyon solid nan kominote avèk anpil eksperyans travay nan yon anviwonman ki divesifye. Notanman, estatistik enskripsyon ane lekòl 2019-2020 BPS la prezante done demografik sa yo:¹⁸

- 42.5% Panyòl
- 33% Afriken Ameriken
- 14% Blan
- 9% Asyatik
- 1.5% Lòt

Nou rekòmande ke preferans gradye BPS la mete yo nan menn nivo ak veteran yo e ogmante opòtinite travay sivil yo. Anplis, nou rekòmande ke genyen yon preferans pou lojman mendèv pou gwoup ki istorikman majinalize ki gradye nan BPS e ki rantre nan ran sèvis sivil yo.

Resous Adisyonèl: Pou plis enfòmasyon, tanpri gade lenk sa yo:

Ekspè Lapolis Jis e san Patipri

[*Inisyativ Nasyonal pou Bati Kominote Konfyans ak Jistis*](#)

[*Phillip Atiba Goff, Prezidan Sant pou Ekite Polisye yo*](#)

[*Jennifer L. Eberhardt - Inivèsite Stanford, Magazen Syans*](#)

[*John Jay Kolèj Jistis Kriminèl, Nasyonal Network of Safe Communities*](#)

[*Pwojè Dwa Sivil ak Jistis Restoratif, Inivèsite Northeastern*](#)

[*Règleman etik se Kouraje*](#)

[*Nimewo yo pa pale pou tèt pa yo: Disparite Rasyal ak pèrsistans inegalite nan sistèm jistis kriminèl la*](#)

Revokasyon & Pinisyon Ofisye Koulè yo

[*Malik Morgan vs Vil Boston Polis*](#)

[*Defay vs Depatman Polis Boston*](#)